



Verwysing: 20211102-7268  
Lêerno.: 13/1/1  
Navrae: M Ludick

Eksamenadministrasieminuut: 0019/2021

Aan: Adjunk-direkteurs-generaal, Hoofdirekteure, Direkteure (Hoofkantoor en distrikskantore), Adjunkdirekteure, Hoofonderwyskundiges, Hoofde: Kurrikulum-ondersteuning, Hoofde: Bestuur en Beheer, Kringbestuurders, Adjunk-hoofonderwyskundiges, Hoofde: GLOO-koördinerings- en -advies, Assesserings- en Eksamenkoördineerders, Vakadviseurs, en Hoofde van inrigtings wat kandidate vir die Nasionale Senior Sertifikaat- en die Senior Sertifikaat-eksamen voorberei

### **Onderwerp: Vrystelling van die 2021 Nasionale Senior Sertifikaat (NSS) -eksamenuitslae**

1. Die volgende **inligting en datums** word verskaf om prinsipale in staat te stel om die nodige reëlings te tref om die bogenoemde uitslae af te haal en te kontroleer:
  - 1.1 Die prinsipaal (of die afgevaardigde personeellede) kan die NSS-uitslae op **Vrydag, 21 Januarie 2022 om 08:00** by distrikskantore afhaal.
  - 1.2 Prinsipale (of hulle afgevaardigde personeellede) word twee en 'n half uur (2:30) gegun om die uitslae vir enige weglatings of ooglopende foute te kontroleer. Hierdie foute moet aan die Direktoraat: Eksamenadministrasie by telefoonnommers 021 467 2934 / 2483 / 2961 / 2246 aangemeld word.
  - 1.3 Die uitslae mag vanaf **11:00 op Vrydag, 21 Januarie 2022** aan kandidate by hulle onderskeie skole en sentrums uitgedeel word. Die uitslae van voltydse kandidate sal slegs by skole en op die Internet beskikbaar wees, en sal NIE by die Wes-Kaap Onderwysdepartement (WKOD) se eksamen-kliëntedienssentrum uitgereik word nie.
  - 1.4 **Neem asseblief kennis: Geen uitslae mag aan kandidate bekend gemaak word en geen inligting in hierdie verband mag vóór 11:00 op Vrydag, 21 Januarie 2022 aan die pers verskaf word nie.**

- 1.5 Uitslae sal op Vrydag, 21 Januarie 2022 om 11:00 op die WKOD se webwerf: <https://wcedonline.westerncape.gov.za> beskikbaar wees. Kandidate sal hulle **vanne** en **identiteitsnommers/geboortedatum** moet invoer om hulle persoonlike uitslae op die WKOD-webwerf te kan besigtig.
- 1.6 **Kandidate moet aangeraai word om te kontroleer dat hulle volle name en identiteitsnommers korrek op hulle verklaring van uitslae weergegee word.**
- 1.7 Navrae oor uitslae moet binne 30 dae ná die vrystelling vir ondersoek voorgelê word. Rig alle navrae oor uitslae aan [ExamResults@westerncape.gov.za](mailto:ExamResults@westerncape.gov.za).
- 1.8 Uitslae sal op Saterdag, 22 Januarie 2022 om 06:00 in die pers gepubliseer word.
- 1.9 Die NSS-toekenningseremonie sal op Donderdag, 03 Februarie 2022 om 10:00 by Leeuwenhof plaasvind.
2. **Hernasiening en herkontrolering van 2021 se NSS-antwoordstelle**
- 2.1 Aansoeke om die hernasiening en herkontrolering moet via die aanlynplatform aan [www.eservices.gov.za](http://www.eservices.gov.za) gerig word.
- 2.2 Die sluitingsdatum vir hernasieningsaansoeke is **04 Februarie 2022**.
- 2.3 Die volgende gelde per vak is van toepassing:  
Hernasiening: R104  
Herkontrolering: R25  
Besigtiging: R200  
Hierdie geld sal kwytgeskeld word vir kandidate by geen-skoolgeld-skole. Kandidate met skoolgeldkonsessies sal vrygeskeld word van hernasieningsgeld.
3. **Aansoeke vir die NSS-eksamen – Mei/Junie 2022**
- 3.1 Alle kandidate wat vir die NSS-eksamen in November 2021 geregistreer was en wat om 'n geldige rede afwesig was vir 'n deel van die eksamen, of wat nie daarin kon slaag om die sukses wat hulle wou behaal het te verwerf nie, kan aansoek doen om die NSS-eksamen in Mei/Junie 2022 af te neem.
- 3.2 Aansoekvorms sal by skole wat die NSS aanbied, distrikskantore, die WKOD se eksamen-kliëntedienssentrum by Wharfplein-noord 1, Laer Loopstraat 2, Strandgebied, Kaapstad, en op die WKOD se webwerf, beskikbaar wees.
- 3.3 Die sluitingsdatum van NSS-eksamenaansoeke vir Mei/Junie 2022 is **31 Januarie 2022**.
- 3.4 Enige navrae oor die NSS se aanvullende eksamen kan aan [ExamRegistrations@westerncape.gov.za](mailto:ExamRegistrations@westerncape.gov.za) gerig word.

4. Die WKOD moet ingelig word oor die reëlings wat deur skole en sentrums getref word vir die afhaal van hulle uitslae. Prinsipale en sentrumbestuurders word versoek om die aangehegte vorm (Bylae A) in te vul en dit teen 03 Desember 2021 na die toepaslike **distriksdirekteur** te stuur.

5. **COVID-19 en die afhaal van uitslae deur leerders**

5.1 Maak asseblief seker dat u skool/sentrum voldoen aan alle gesondheids- en veiligheidsprotokolle soos vervat in die *WKOD-riglyne vir COVID-19* wat aan u verskaf is, veral wat betref die dra van maskers en handhawing van sosiale afstandhouding.

5.2 Maak seker dat wanneer die uitslae afgehaal word, toetrede tot die skool-/sentrumpersele beperk is tot leerders wat die NSS-eksamen vir die 2021-akademiese jaar voltooi het.

6. **Ondersteuning en berading vir kandidate wat nie geslaag het nie**

6.1 Dit is uiters belangrik dat ondersteuning en berading aan kandidate wat nie die eksamen slaag nie gebied word. Hierdie kandidate moet ingelig word oor die beradingsdienste wat beskikbaar is. Berading kan by die skole gegee word wanneer kandidate hul uitslae ontvang of, waar van toepassing, by die toepaslike distrikskantoor waar departementele personeel beskikbaar sal wees.

6.2 Indien 'n prinsipaal, sentrumbestuurder of afgevaardigde personeellid 'n kandidaat na 'n distrikskantoor verwys, moet die telefoonnommer en adres van die distrikskantoor aan daardie kandidaat gegee word, en die besonderhede van die kandidaat moet aan die distrikskantoor verskaf word.

6.3 Omdat kandidate wat berading nodig het dit dikwels nie uit vrye wil seek nie, word daar dus 'n beroep op skole en sentrums gedoen om sensitiwiteit aan die dag te lê vir die emosies van kandidate aan wie se verwagtinge nie voldoen is nie.

7. **Vrystelling van inligting aan die media**

Die media sal belangstel om inligting oor kandidate wat buitengewoon goed in die NSS-eksamen gevaar het by skole te kry. Prinsipale, sentrumbestuurders of die afgevaardigde personeellid mag, in oorleg met ouers, sodanige inligting en foto's aan die media verskaf.

**GETEKEN:** H MAHOMED

**ADJUNK-DIREKTEUR-GENERAAL: KURRIKULUM- EN ASSESSERINGSBESTUUR**

**DATUM:** 2021-11-04